



Arkivnr: 2014/17092-17
Saksbehandlar: Ingeborg Borgen Takle

Saksframlegg

Saksgang

Uttal	Saknr.	Møtedato
Fylkesvalstyret		23.09.2015

Fylkestingsvalet 2015- kontroll av gjennomføring og valoppgjør

Samandrag

Etter vallova skal fylkesvalstyret kontrollere gjennomføringa av fylkestingsvalet i kommunane i fylket, og basert på dei resultat som kjem fram, foreta valoppgjør med fordeling av representantplassar og kandidatføring. Det er utarbeidd eit sentralt valsystem, EVA, frå Kommunal- og regionaldepartementet som vert nytta for kontroll og valoppgjør. Møteboka skal underskrivast av det samla fylkesvalstyret og leggjast til grunn for det nyvalde fylkestinget si godkjenning av valet.

Forslag til vedtak

Fylkesvalstyret har kontrollert gjennomføring av fylkestingsvalet 2015 i kommunane i Hordaland og føreteke valoppgjør for fylket slik det går fram av "Fylkestingsvalet 2015 - Møtebok for fylkesvalstyret".

Rune Haugsdal
fylkesrådmann

Janne Værnø
kommunikasjonsdirektør

Saksframlegget er godkjent elektronisk og har derfor inga underskrift.

Vedlegg

1 Møtebok for fylkesvalstyret - fylkesvalstinget 2015

Fylkesrådmannen, 14.09.2015

Fylkesvalstyret skal kontrollere gjennomføringa av fylkestingsvalet i kommunane med grunnlag i det materielle som det får tilsendt, jfr. Lov om valg til Stortinget, fylkesting og kommunestyre (vallova) av 28.06.2002 nr. 57 § 10-9 (1). Vidare etter same lov § 11-10 (1) skal fylkesvalstyret foreta valoppgjør og kandidatåring.

Kontroll

I følge vallova § 10-9 skal fylkesvalstyret: «kontrollere gjennomføringen av stortingsvalg og fylkestingsvalg i kommunene med grunnlag i det materielle som det får tilsendt etter § 10-8. Dersom fylkesvalgstyret finner feil ved valgstyrets avgjørelser om å godkjenne eller forkaste stemmegivninger eller stemmesedler, eller feil i valgstyrets opptelling, skal feilene rettes.»

Fylkeskommunen har inngått eit samarbeid med Bergen kommune bl.a. når det gjeld opptelling av røystesetlar. Det er utarbeidd eit sentralt valsystem, EVA, frå Kommunal- og regionaldepartementet som vert nytta for kontroll og valoppgjør. Røystesetlane vert talde maskinelt (skanna) og overført valsystemet EVA som ivaretek opplysningane og registrer det som er naudsynt for å føreta eit valoppgjør. Systemet registrerer endringane på listene. Det vil seia at det vert registrert kor mange personrøyster den enkelte får og nummerrekkefølga av kandidatane.

Etter vallova skal kommunane telja røystesetlane 2 gonger, først ei grovteljing (som i større kommunar skjer hos stemmestyra) og ei finteljing (endelig teljing), deretter skal fylkesvalstyret kontrolltelja fylkestingsvalet frå alle kommunane.

Kommunelova § 10-4 opnar for at det kan opprettast arbeidsutval som kan få tildelt avgjerdsmynde.

Regelen lyder:

"Utvalget kan gi lederen eller et arbeidsutvalg myndighet til å treffe vedtak i enkeltsaker eller i typer av saker som ikke er av prinsipiell betydning, hvis ikke kommunestyret eller fylkestinget har bestemt noe annet."

Arbeidsutval som nemnd over har fått fullmakt til å førebu kontrollen med gjennomføringa av fylkestingsvalet, og å ta stilling til enkeltsaker og spørsmål som kjem opp i samband med kontrollen.

Valoppgjør

Når kontrollen er ferdig utført og eventuelle rettingar er tekne med, skal fylkesvalstyret foreta valoppgjør med fordeling av representantplassar og åring av kandidatar.

Vallova § 11-10 inneheld reglar om valoppgjør ved fylkestingsvalg. Fordelinga av representantplassane skjer på grunnlag av St. Lagués modifiserte metode etter vallova § 11-4. Røystetala for vallistene frå alle kommunane i fylket blir summerte, og deretter dividerte med 1,4 – 3 – 5 – 7 – 9 osv. Representantplassane blir heile vegen fordelte til vallistene på grunnlag av dei framkomne kvotientane. Har to lister same kvotient, går representantplassen til den lista som har det største røystetalet. Har dei same røystetal, blir plassen fordelt ved loddtrekning. Har ei liste fått fleire representantplassar enn ho har valføre kandidatar, blir dei overskytande representantplassane fordelte på dei andre listene ut frå reglane framfor.

Åringa av kandidatar skjer på grunnlag av reglane i vallova § 11-10 andre ledd. Veljarane kan gi ein eller fleire kandidatar på lista personrøyster ved å setja eit merke ved namnet til kandidaten, jf. lova § 7-2 andre ledd. I lova er det slått fast ei grense som tilsvare minst 8 % av røystetalet for lista, som vilkår for at rettingane frå veljarane skal få innverknad på kandidatåringa. Fylkesvalstyret må difor gjennomføra ein kontroll av endringane som veljarane har gjort på røystesetlane. Dei kandidatane som har fått personrøyster på minst 8 % av dei godkjende røystesetlane, skal kårast først. Dersom fleire kandidatar kjem over sperregrensa, er talet på personrøyster avgjerande. Andre kandidatar blir kåra etter rekkjefølgje på lista.

Kandidatar som ikkje kan veljast, ser ein bort frå. Kvar liste skal så langt det er mogleg, få tildelt eit tal vararepresentantar som tilsvare representantar valde på lista + 3.

Møtebok for fylkesvalstyret skal underskrivast av eit samla fylkesvalstyre. Til møtet 23.09.15 vil det liggja føre utkast til møtebok basert på resultata av kontrollen som er gjennomført.

Endeleg godkjenning av fylkestingsvalet gjer det nyvalde fylkestinget i det konstituerande møtet etter innstilling frå fylkesvalstyret, jfr. vallova § 13-4.